

Әкімдіктің 2008 жылғы 2 қыркүйектегі № 425 "Объектілердің құрылышына арналған телімде Тобыл өзенінің су қорғау аймағы мен белдеуін және олардың шаруашылық пайдаланудың тәртібін белгілеу туралы" қаулысына өзгерістер енгізу туралы

Күшін жойған

Қостанай облысы әкімдігінің 2017 жылғы 4 шілдедегі № 329 қаулысы. Қостанай облысының Әділет департаментінде 2017 жылғы 7 тамызда № 7155 болып тіркелді. Күші жойылды - Қостанай облысы әкімдігінің 2022 жылғы 3 тамызыдағы № 344 қаулысымен

Ескерту. Күші жойылды - Қостанай облысы әкімдігінің 03.08.2022 № 344 қаулысымен (алғашқы ресми жарияланған күнінен кейін құнтізбелік он күн откен соң қолданысқа енгізіледі).

2003 жылғы 9 шілдедегі Қазақстан Республикасы Су кодексінің 39-бабына сәйкес, қолданыстағы заңнамаға сәйкес келтіру мақсатында Қостанай облысының әкімдігі **ҚАУЛЫ ЕТЕДІ**:

1. Қостанай облысы әкімдігінің 2008 жылғы 2 қыркүйектегі № 425 "Объектілердің құрылышына арналған телімде Тобыл өзенінің су қорғау аймағы мен белдеуін және олардың шаруашылық пайдаланудың тәртібін белгілеу туралы" қаулысына (Нормативтік құқықтық актілерді мемлекеттік тіркеу тізілімінде № 3653 болып тіркелген, 2008 жылғы 24 қыркүйекте "Костанайские новости" газетінде жарияланған) мынадай өзгерістер енгізілсін:

тақырыбы мынадай редакцияда жазылсын:

"Объектілердің құрылышына арналған участеклерде Тобыл өзенінің су қорғау аймақтары мен белдеулерін, оларды шаруашылықта пайдаланудың режимі мен ерекше жағдайларын белгілеу туралы";

кіріспесі мынадай редакцияда жазылсын:

"2003 жылғы 9 шілдедегі Қазақстан Республикасы Су кодексінің 39, 116, 125-баптарына, "Қазақстан Республикасындағы жергілікті мемлекеттік басқару және өзін-өзі басқару туралы" 2001 жылғы 23 қаңтардағы Қазақстан Республикасы Заңының 27-бабына, "Құқықтық актілер туралы" 2016 жылғы 6 сәуірдегі Қазақстан Республикасы Заңының 24-бабына сәйкес Қостанай облысының әкімдігі **ҚАУЛЫ ЕТЕДІ**";

көрсетілген қаулының 1-қосымшасы осы қаулының 1-қосымшасына сәйкес жаңа редакцияда жазылсын;

2-тармақ мынадай редакцияда жазылсын:

"2. Қостанай қаласының аумағындағы объектілердің құрылышына арналған участкелерде Тобыл өзенінің су қорғау аймақтары мен белдеулерін шаруашылықта пайдаланудың режимі мен ерекше жағдайлары 2-қосымшаға сәйкес белгіленсін.";

көрсетілген қаулының 2-қосымшасы осы қаулының 2-қосымшасына сәйкес жаңа редакцияда жазылсын.

2. Осы қаулының орындалуын бақылау Қостанай облысы әкімінің жетекшілік ететін орынбасарына жүктелсін.

3. Осы қаулы алғашқы ресми жарияланған күнінен кейін құнтізбелік он күн еткен соң қолданысқа енгізіледі.

Қостанай облысының әкімі

A. Мұхамбетов

"КЕЛІСІЛДІ"

"Қазақстан Республикасы Ауыл шаруашылығы министрлігі Су ресурстары комитетінің Су ресурстарын пайдалануды реттеу және қорғау жөніндегі Тобыл-Торғай бассейндік инспекциясы" респубикалық мемлекеттік мекемесінің басшысы

Г. Оспанбекова

2017 жылғы 4 шілде

"КЕЛІСІЛДІ"

"Қазақстан Республикасы Денсаулық сақтау министрлігі Қоғамдық денсаулықты қорғау комитетінің Қостанай облысының қоғамдық денсаулықты қорғау департаменті" респубикалық мемлекеттік мекемесінің басшысы

О. Бекмағамбетов

2017 жылғы 4 шілде

Әкімдіктің
2017 жылғы 4 шілдедегі
№ 329 қаулысына
1-қосымша

Әкімдіктің
2008 жылғы 2 кыркүйектегі
№ 425 қаулысына
1-қосымша

Объектілердің құрылышына арналған участкелерде Тобыл өзенінің су қорғау аймақтары мен белдеулерін белгілеу

№ р/с	Су объектісі , оның участкесі	Су қорғау аймагы			Су қорғау белдеуі		
		шекараның қашықтығы, ұзындығы (м)	шекараның қашықтығы, алаңы (м)	шекараның қашықтығы, ені (м)	шекараның қашықтығы, ұзындығы (м)	алаңы, (га)	ені, (м)
1.	Тобыл өзені Қостанай қаласы, Речная көшесі мекенжайы бойынша орналасқан "Таун-Сай" тұрғын кварталы	303	22,86	783,9 – 721,5	303	3,03	100
2.	Тобыл өзені Қостанай қаласы, Речная көшесі, 6 мекенжайы бойынша орналасқан тұрғын үй	30	1,62	540	30	0,3	100
3.	Тобыл өзені Қостанай қаласы, Г. Кайырбеков көшесі мекенжайы бойынша орналасқан офисі және автокөліктеге р г е арналған жабық тұрақ	31,50	1,83	543 – 621,5	31,50	0,31	100
4.	Тобыл өзені Қостанай қаласы, Гашек көшесі мекенжайы бойынша орналасқан шаңғы және с у	110	2,695	230 – 290	110		80 – 110

	туризміне арналған база					1,312	
5.	Тобыл өзені Қостанай қаласы, Гашек көшесі мекенжайы бойынша орналасқан шаңғы және с у туризміне арналған база	164	4,572	140 – 230	164	1,312	80
6.	Тобыл өзені Қостанай қаласы, С. Кубеев көшесі, 2 "А " мекенжайы бойынша орналасқан кайта құрылған және кенейтілген құрылыш тауарлары дүкені	21	1,35	645	21	0,21	100
7.	Тобыл өзені Қостанай қаласы, 4 шабын ауданы мекенжайы бойынша орналасқан же ке түрғын үйлер	68	2,742	420 – 474	68	0,68	100

Әкімдіктің
2017 жылғы 4 шілдедегі
№ 329 қаулысына
2 – қосымша

Әкімдіктің
2008 жылғы 2 кыркүйектегі
№ 425 қаулысына
2-қосымша

Қостанай қаласының аумағындағы объектілердің құрылышына арналған участеклерде Тобыл өзенінің су қорғау аймақтары мен белдеулерін шаруашылықта пайдаланудың режимі мен ерекше жағдайлары

1. Су қорғау белдеулерінің шегінде мыналарға жол берілмейді:

1) су объектілерінің сапалық және гидрологиялық жай-күйін нашарлататын (ластану, қоқыстану, сарқылу) шаруашылық қызметіне немесе өзге де қызметке;

2) су шаруашылығы және су жинайтын құрылыштар мен олардың коммуникацияларын, көпірлерді, көпір құрылыштарын, айлақтарды, порттарды, пирстерді және су көлігі қызметіне байланысты өзге де көлік инфрақұрылымдары объектілерін, жаңартылатын энергия көздерін (гидродинамикалық су энергиясын) пайдалану объектілерін, сондай-ақ су объектісіндегі рекреациялық аймақтарды қоспағанда, ғимараттар мен құрылыштарды салуға және пайдалануға;

3) бау-бақша егуге және саяжай салуға жер участеклерін беруге;

4) су объектілерінің және олардың су қорғау аймақтары мен белдеулерінің ластануын болғызбайтын құрылыштармен және құрылғылармен қамтамасыз етілмеген қазіргі бар объектілерді пайдалануға;

5) жекелеген участеклерді шалғындандыруға, егін егуге және ағаш отырғызуға арналған жерлерді өндөуді қоспағанда, топырақ және өсімдік қабатын бұзатын жұмыстарды жүргізуге (оның ішінде жер жыртуға, мал жаюға, пайдалы қазбаларды өндіруге);

6) шатыр қалашықтарын, көлік құралдары үшін тұрақты тұрақтарды, малдың жазғы жайылым қостарын орналастыруға;

7) тыңайтқыштардың барлық түрлерін қолдануға тыйым салынады.

2. Су қорғау аймақтарының шегінде мыналарға жол берілмейді:

1) су объектілерін және олардың су қорғау аймақтары мен белдеулерінің ластануы мен қоқыстануын болғызбайтын құрылыштармен және құрылғылармен қамтамасыз етілмеген жаңа және реконструкцияланған объектілерді пайдалануға беруге;

2) ғимараттарға, құрылыштарға, коммуникацияларға және басқа да объектілерге реконструкция жүргізуге, сондай-ақ құрылыш, су түбін терендету және жарылыс жұмыстарын жүргізуге, пайдалы қазбалар өндіруге, кәбіл, құбыр және басқа да коммуникацияларды төсеуге, белгіленген тәртіппен жергілікті атқарушы органдармен, уәкілетті органмен, қоршаған ортаны қорғау саласындағы уәкілетті мемлекеттік органмен, жер ресурстарын басқару жөніндегі орталық уәкілетті органмен, энергиямен жабдықтау және халықтың

санитарлық- эпидемиологиялық салауаттылығы саласындағы уәкілетті органдармен және басқа да мұдделі органдармен келісілген жобасы жоқ бұрылау, жер қазу және өзге де жұмыстар жүргізуғе;

3) тыңайтқыштар, пестицидтер, улы химикаттар мен мұнай өнімдерін сақтайтын қоймаларды, көлік құралдары мен ауыл шаруашылығы техникасына техникалық қызмет көрсету, оларды жуу пункттерін, механикалық шеберханаларды, тұрмыстық және өнеркәсіп қалдықтарын төгетін құрылғыны, аппаратураларды пестицидтермен және улы химикаттармен толтыратын аландарды, авиациялық-химиялық жұмыстар жүргізуғе арналған ұшу-қону жолақтарын орналастыруға және салуға, сондай-ақ судың сапасына кері әсер ететін басқа да объектілерді орналастыруға;

4) мал шаруашылығы фермалары мен кешендерін, сарқынды су жинағыштарды, сарқынды сумен суарылатын егістіктерді, зираттарды, мал қорымдарын (биотермиялық шұңқырларды), сондай-ақ жерусті және жерасты суларының микробпен ластану қаупіне себепші болатын басқа да объектілерді орналастыруға;

5) жүктелім нормасынан асырып мал жаюға, су тоғандарының режимін нашарлататын мал тоғыту мен санитариялық өндеуге және шаруашылық қызметінің басқа да түрлеріне;

6) су көздеріндегі су кемерінен екі мың метрге жетпейтін қашықтықта орналасқан ауыл шаруашылығы дақылдары мен орман екпелерін улы химикаттармен авиациялық өндеу және авиация арқылы минералдық тыңайтқыштармен қоректендіру тәсілін қолдануға;

7) концентрациясының жол берілетін шегі белгіленбекен пестицидтерді қолдануға, қардың үстіне тыңайтқыш себуге, сондай-ақ залалсыздандырылмаған көң қосылған сарқынды суды және тұрақты хлорорганикалық улы химикаттарды тыңайтқыш ретінде пайдалануға тыйым салынады.

Су қорғау аймағында мәжбүрлі санитариялық өндеу жүргізу қажет болған жағдайда уыттылығы әлсіз және орташа тұрақсыз пестицидтерді қолдануға жол беріледі.